



江南野史





江南野史卷第一

螺川龍

衮



先主

江南先主姓李名昇字正倫其先唐憲宗之子建恪之後祖志授署為徐州判官卒于任所父榮有器度不事產業每交結豪傑以任俠為事屬時離亂群盜蜂起朱梁統制天下而揚行密專据淮南榮乃敢憤欲圖興復之志然無少康一旅之衆數十里之地文之聞海賊夏韶衆甚盛欲因之以成大事既往而說韶曰僕大唐之後少失怙恃遭世多難先祖基業宕然橫流為人所自有料以高祖太宗之遺德宗祧社稷未必杜絕其間子孫必有興者吾雖不調夙蘊壯志聞公英雄士卒勇經吾欲因

公立事共取富貴苟成霸業古賢魚水未足為喻韶感其言於是從之遂率衆自海入淮轉掠沿岸郡邑至濠梁間衆至數千人軍勢頗盛郡邑與戰多為所敗行密聞之因自帥師攻之數敗乃為所擒因捕其家盡誅之時先主方數歲且異常兒濠上一桑門與行密有故乞收養以為徒第後行密大將徐溫出師濠上見先主方賴豐頤隆上短下乃携歸為己子先主雖少而天性穎悟夙敦子道朝夕起居溫清左右承顏侍膳_嚴若成人及遇溫戚屬皆能俯躬迎奉溫婦見之而頗鍾愛撫養無異逮十餘歲溫知其必能幹事遂試之以家務令主領之自是溫家計食邑菜地夏秋所入及月俸料或頒賜物段出納府廩雖有專吏主職然能于晦朔總其支費存留自給足之教無不知其多少及四時伏臘薦祀特膾醢饌肴蒸賓客從吏之費槩量皆中其度逮嬪婢嬖媵寒煖衣御紈綺幣帛高下之等皆取其給家人之屬且無間言溫之嫡子皆好騁田獵先主唯習書計暇則隸射所志必精遂用徐姓名知誥既長溫為娶其婦亦能奉蘋藻致柔順之美溫嘗臥疾唯先主躬侍左右至于糞溺皆親執器動至連月踰時扶掖出入或通宵達曙曾不解帶或夜聞警歎乃率婦同往教四溫于幃間聞人至則曰誰耶對曰知誥在斯又問曰彼更何人對曰知誥之婦溫見其篤于孝養而能復幹家知非常品而諸子難及乃曰吁汝雖異族然吾無親踈先主聞之衛愈謹未幾溫起先主婦卒溫知其篤孝為之感歎久之溫指侍右一姬謂先主曰此必有福自歸吾家而門戶長

益不啻教倍汝可婦之奉汝箕箒遂生嗣主及諸王後溫凡出征討而疑其帳下故先主常得奉侍遂習熟武事因能騎射起家為偏將會宣州叛亂時溫已秉軍政遂命大將柴再討之以先主監軍事既至乃帥部下先擊之賊平先主功居最遷昇州刺史時諸郡皆以兵甲為務而先主專尚文儒延納多士未幾會親信饒洞天薦南昌人宋齊丘一見與語終日館于門下朝夕諮訪政治齊丘遂說宜頒布六條以率群吏定民科制勸課農桑薄征輕賦禁止非徭在位十餘年民庶豐實郡邑安堵禮律修舉庶位公廉城郭濬固軍器充積兵士輯睦人樂為用義父溫聞其完葺乃以嫡子知訓居廣陵輔政來自領之遂移先主刺守京口未踰期而知訓為大將朱瑾所殺初知訓秉政朝廷譽之為昌華相公因是輕肆驕傲辟命卿將鎮戍藩翰多所不道瑾頗銜之瑾為人悍毅勇敢決烈獨任唐末屬朱梁篡逆瑾為郡守拒命不從梁師屢征不克會其兄珙以別郡先降梁祖親討瑾乃遣珙于城下諭令歸順瑾大怒乃偽開壁請與兄面語遂飛刃刺殺珙梁祖惋歎攻圍愈急遂亡歸淮南時人壯之為朱憨哥瑾既殺知訓乃持其首詣吳主主曰他有父在非吾敢聞卿善自為謀瑾乃大呼于朝市因欲作亂時無附之者遂自剄先主乃率部下渡江以定亂瑾已死吳主遂委政先主遷左僕射叅政握兵權軍國之事莫不已出越人寇毗陵先主以府兵拒之大戰于無錫越人奔潰隣境之內唯錢氏為仇因是與之和好兵甲遂弭乃傾意折節奉上接下禮待將校推

其慈惠致之腹心以寬簡優柔存恤驍勇夙將元僚素所跋扈者無不樂從互與歡飲士民富實桴鼓不聞朝廷顏網以禮振舉上下既遠邇樂推呼之為政事僕射大江南北封境之間二十餘年治平如砥乃治府署之內立亭貌之曰延賓命宋齊丘為記以待多士于是四方豪傑翕然歸之或因退休沐之暇親與之晏飲諮訪闕失問民疾苦夜央而罷時中原多故名賢夙德皆亡身歸順乃使人于淮上以厚幣資之既至縻以爵祿故比土士人嚮風而至者追教十人羽翊大成裨佐彌衆或人讒先主于義父温曰軍國大政請以嫡嗣持之不得假于他人先主聞之乃表乞罷政務而宋齊丘諫之請緩其事追教日會温發疾卒遂止其議時義弟知詢代嗣父温鎮金陵遙總朝綱

每與先主爭衡因使說之入朝遂以吳主之命留而不遣罷其政權由是先主始獲專任朝野歸附位望日隆遷侍中中書令守太尉都諸軍事遂襲温故事出鎮建康以長子璟叅政進封先主為齊王加禮建齊國置百官以宋齊丘徐玠為左右丞相遂受吳禪奉吳主為讓皇徙居丹陽宮改吳年號為昇元元年尊義父温為武皇後為義弟知證等請歸姓先主尤懷徐氏鞠養之惠不忍改之百官堅請于是復姓李氏立大唐宗廟祀高祖太宗而降追尊四世祖恪為孝靜王奉考榮為義祖封徐氏二子復為王諸孫男女各為郡縣主百官進位有差乃祀郊園丘禮畢群臣皆賀復上尊號過而不行郡邑報符瑞者數十亦止而不書以丞相宋齊丘為洪州節度使將行請使通好契丹

遂以宮女繒絲珠璣遣泛海而行明年蕃使亦至于是交聘
往來者不絕是時江淮無事累歲豐稔兵食盈積而梁宋屢亂
群臣咸言土運中興宜復先代疆宇之請其歲吳越災焚其宮
室府庫甲兵殆盡群議請棄其弊諸將奮勇者頗庶先主不納
遣使唁之厚饋幣粟以賑其乏殆將假而率之以入中土未幾
會先主疾篤使召宋齊丘受顧命托以後事長子吳王璟嗣位
即日殂于正寢時昇元七年年五十六謚曰孝高廟號烈祖先
主身長七尺姿貌瑰特目瞬如電語音厚重望之懾人與語可
愛少遭逆難長罹兵革民間疾苦無細不知刺建康有處士汪
台符上書陳九患利害之說皆親閱覽窮宥臧否不耻下問稟
而行之自登位之後遣官大定檢校民田高下肥磽皆獲允當

人絕怨咨輸賦不稽然而仁孝之誠感動天地圜丘之祭天月
奏月延三刻是時上旬月當三更而沒升壇之際皎然如日禮
畢而落時饒州餘干民毋因抱携其孫失手墜地其子怒拔刃
斫之刃且未及自腰而下忽陷于地先主遂命作闕刃鏗之又
吉州豪民龍氏鬻穀不售上神岡禱廟求早為暴震所殺迨末
年慙敦慈恕山林藪澤禁止以時恩澤渙汗及被吾民民各生
父母安用爭城廣地使之膏血塗于草野乎自握兵權至禪位
凡數十年止一拒越師蓋不得已而為之將終乃謂嗣曰主德
昌宮凡積兵器緡帛七百餘萬吾死之後善和好鄰境以安宗
社不可襲煬皇之跡恃食阻兵自取亡覆苟能守吾言汝為孝
子百姓謂汝為賢君矣殂落之日四方黔首歎息涕泣而輟其

食初有禪代之志忽夜半寺僧撞鍾滿城皆驚逮旦召問將斬之云夜來偶得月詩先主令白乃曰徐徐東海出漸漸入天衢此夕一輪滿清光何處無先主聞之私喜而釋之又天祐中童謠云東海鯉魚飛上天東海徐氏之望鯉姓也天時人事宜符有如此者也

江南野史卷第一

江南野史卷第二

嗣主

嗣主名璟字百玉先主長子年始十歲出為郎遷諸衛將軍典領軍事先主出鎮金陵以國政付之轉兵部尚書叅政事明年亦赴建康拜司徒平章事知中外諸軍副都統先主受禪封吳王諸道元帥改封齊王尋嗣位乃改元為保大尊母采氏為皇太后妃鍾氏為皇后以太保宋齊丘為相封三弟景達為王未幾告將禪位于東都留守景達固讓不許給事蕭儼極諫不聽封長子莫為南昌王是歲虔州妖賊張遇賢作亂皆絳其衣時謂之赤軍子襲取南康衆至十餘萬虔守輕之帥兵屢擊皆失利奄至空山去城十餘里為營嗣主遣將討之連破賊衆遇賢

懼棄衆而走獲其副黃伯雄斬之是歲下令中外庶政並委齊王景達叅決唯樞密使魏岑查文徽得白入事餘非召對不見宰相宋齊丘上疏極諫不聽其畧云臣事先朝迨三十年每議論之際常恐百官之中有忠赤苦口之人壅蔽不得達其意懇今始即位而不與群臣相見是陛下偏專獨任自聖特賢而已是以古之帝王一人不能獨聞假天下耳以聽一人不能獨明故假天下目以視故無遠邇群情世態不必親見躬聞而可得知之蓋能延接䟽越異方之人未嘗隔絕也今深居邃處而欲聞民間疾瘼艱苦猶惡陰而入乎遂道也然臣老墓木亦既拱矣桑榆之景而可得以旦乎于是黜齊丘為潤州節度使既行朝廷有位者咸竊排毀言與親信陳覺等樹朋黨自此始矣齊

丘因乞歸九華舊隱遂封為九華先生議征建州王延政與福州兄延義有隙遂各稱帝改正朔更相為亂嗣主使諭以禍福各不從阻兵相殘復會查文徽素知閩建山路險易遂以邊鎬與文徽帥師討之復遣祖全恩將兵至建陽建州兵亦隔水而陣因以建州降將孟堅引師自後攻之建人大敗退保其城時福州民殺李義延政之子自稱留後遣使納款降嗣主使以義為福州刺史延政由是師益失援遂平建州執延政以歸封鄱陽王鎮饒州自是汀泉漳皆降是歲改建州延平津為劍州以建州裨將陳誨為劍州刺史遣齊王景達徵九華先生宋齊丘與之俱還崇奉朝請而已是時福州李義專據其地叛乃詔建州防戍討之及命信州節度使王建封同圍福州義初求于越

越以舟師浮海而至馮延魯縱之登岸而不能禦敵越人乃出
李義家族將奔其城會王建封先揚言曰吾軍敗矣燒營而遁
諸軍相顧而潰嗣主歸罪延魯使鎖至建康遂流于舒州是時
虜主耶律德光陷梁宋遣二使來告其价言語通于中國嗣主
問其故曰臣本范陽人歷世冠冕任郡為從事昔後唐清泰主
失御晉高祖以太原叛與契丹通好結為父子事之如君臣晉
祖既因虜兵入洛陽登極割幽州五城之地入蕃以奉朝貢故
令臣事于虜主守戡為郎焉嗣主曰契丹為治何如對曰蕃不
治漢漢不治蕃蕃漢不同治自古而然嗣主曰朝見何如對曰
詔則呼漢見蕃家既無翰墨何以徵賦對曰蕃地不產穀故無
徵賦然臣仕單于迨方教歲亦未嘗覩虜廷之事或傳徵兵適

以箭為號每一部落傳箭一隻何以限多日以皮為約何謂皮
約曰築隘巷以一皮籍之兵騎過而踐焉以糜壞為度徵多則
以駱駝次以羊以免為准卿主所以命孤者將奚為對曰晉少
主逆命背約既遣入蕃虜主欲與君繼先君之好將冊君為中
原之主矣嗣主曰孤守江南社稷系嗣與梁宋阻修若契丹不
忘先好惠錫行人孤受賜多矣其他不敢拜命之辱蕃使聞之
遂行時中原無主寇盜縱橫嗣主乃歎曰孤不能因其危運命
將興師抗行中國恢復高太之土宇而乃勞師于海隅孤實先
代之罪人也至于悔恨百端不能自弭時泰州刺史皇甫暉王
建及汾淮群盜皆來降至明年命兵部尚書賈談入契丹報聘
以太傅宋齊丘為洪州節度使漢中節度使守司徒李守貞為

漢師所圍遣從事朱元李平來乞師初晉少主世虜耶律德光
再寇河北命守真副杜重威帥衆御之至中渡橋為虜主所圍
遂降之德光既入梁明年歸蕃漢高祖自河東入踐阼重威因
叛高祖征之出城降至隱帝即位恐重威復叛遂誅之守貞乃
重威之黨疑不自安遂據城不順隱帝命周太祖征之攻其城
且急守貞懼乃竊命元等至其表畧曰臣之先世乃唐之遠裔祖
侯禰將代不絕人茂績殊勲著于簡策昔者巢寇犯闕僖昭失
御宗社叔蕩為人所存臣雖生于梁末幼失怙恃零丁孤苦遭
世多難迨能執戈捐身事晉征討攻伐粗立戰功為高祖見擢
俾典禁衛頗著勞績尋辱顧命出守蒲津洎少主厄運遂歿戎
虜晉鼎覆餗天下橫流強守無主臣不勝惋忿痛心疾首欲效

愚忠誅鉏虵豕恢復先業庶安宇內功未及立兇黨俄臨衆寡
不敵遂罹圍迫臣雖躬當矢石以帥群下悉力固守冀殄犬羊
殞首不顧臣之分也然預脩不虞有備不敗古之善教也臣遠
聞君王霸有江左雄跨淮甸禁暴弭亂推亡固存有王者之風
將繼巨唐有土者非君而誰况臣忝宗盟敢罄誠款苟君王察
臣忠勇憐顧本枝救患恤鄰遏強附順爰遣偏將出為東援則
君有五霸之功不讓于桓文之主苟獲全濟寔君之惠云云嗣
主覽表遂遣潤州節度使李金全為西面行營招討使帥諸軍
並進至淮甸間河中城已陷守貞勢屈遂與妻子酣醺于樓上
使下舉火自焚于是班師而元等留江南誅節度王建封初招
討使王崇文圍福州命建封分兵攻守其東城門岳陷因嗣主

失機先詔崇文為福州節度使建封聞之心不平遂受李義厚賂先燒營而遁國家以前功隱忍未即加誅例轉同平章事建封不識大体求縮中書政事嗣主曰卿乃一使相耳安可亂帝儲于台輔汝無恙開自是人魏之為王惹開日恣跋扈累表邀求發言不遜嗣主怒發前後罪犯殺之昇州節度使馬希萼使奉來乞師希萼乃楚武穆王之子其家法兄弟傳國希範違命越次立同母弟希廣初希萼授桂林節度使自鎮來奔喪未至希廣懼將害已使以舟師自上流迎衛送至昇州既而構隙欲誅希萼故來乞師為援其表畧曰昔先主早以勲業基有楚國不幸即世顧命之夕顯令兄弟以天倫紹立庶奉宗廟獲享國祚無何嗣君不延求命奄棄社稷訃告至日臣不勝痛切膚骨

血泣頤睫即時奔走哀庭莫處苦由用竭臣子之孝不圖天未殄禍孽豎構隙間離我戚屬汨亂我先序潛阻兵戈將謀勦絕苟不更圖殞在朝夕故臣敢遠遣行介殫布腹心惟君存先王之昔好軼大國之威武許出兵援以附不腆庶禪盜黨免弄凶器云嗣主乃遣將何洙應之會希廣攻之不克希萼遂帥州兵及五溪蠻攻殺希廣遂遣右僕射孫忌持節立希萼為楚王既立荒淫驕恣不恤國政其時徐威等作亂乃因希萼立其弟希崇嗣主聞之遣邊鎬討之希崇出降遂入長沙迎希萼希崇歸以為王初南王劉氏之子嗣主聞馬氏兄弟敗亂徙江南遂遣將進取桂林侵至桂陽監嗣主遣大將張巒至柳連間復歸禪將揚勝侯忠帥表言二郡鄉師合數千人分道而進臨賀

與廣人戰于城下廣人敗績城守使壅上流以誘我忠等見水
淺衆勝被木柵而入因各爭功縱兵亂掠廣人伏兵拒之忠等
失利退遇决水泛溢士卒溺死者太半餘衆宵遁未至桂林
聞忠等敗于是亦班師秋分洪州高安縣為筠州以右僕射孫
忌為相昇州劉言叛襲長沙邊鎬棄城走鎬為人柔懦酷懼釋
比凡出征伐無威武嚴魏令苟幸克捷多以生濟為利初平建
州時人呼為邊羅漢至是政出群小弱而無斷惟事桑門廣設
雜施楚人罹苦謂之邊和尚乃無守禦脫身夜遁遂流之于饒
州是歲周太祖登極明年建康災焚廬舍營署踰月乃止保大
十一年境内大旱自六月不雨至明年三月民大飢疫死太半
下令郡縣煮鬻賑之飢民食者皆死城内外傍水際積屍臭不

堪行是歲兗州節度使慕容彥超奉表乞師求援彥超乃漢高
祖同母異父弟性驕狠而無謀漢祖既登極遂授以寇迨周太
祖自鄴入京師彥超召帥部下輔隱帝拒戰尋敗因收集餘騎
歸兗據城不順周太祖將親征之懼而求援嗣主遣兵數千至
淮大為周師所敗俘其將校遂誅彥超常以金帛募海上客得
五百餘輩皆魁岸膂力勇敢及周師圍城客說彥超曰今圍急
城且將陷請開門為公以熱血相潑一場决勝敗安能于危窘
之地坐守誅戮彥超不能從周祖聞而襲之城陷命開圍東角
縱之客結圓陣而出周祖使戒之曰朕既赦汝所邊城邑天害
民人對曰臣皆海曲之民少負節義偶為彥超所誤不能成功
臣之耻也今陛下既釋臣等願歸于農以奉聖朝敢有他志再

取亡歿言訖皆山呼而去太祖既平彥超乃釋所俘江南將校而諭之曰卿歸語汝主朕征有罪乃為君之道何煩遠援以附不庭朕方和結鄰好休邊境是所願也卿可言之嗣主聞而悔恨忘食先是漢末遣使往湘潭市茶會邊鎬平馬氏例浮于江南嗣主因而引對慰勞遂以上茗萬川備人船遣之自夏口轉令入江陵而還是歲周世宗嗣位明年夏援天威軍都虞侯劉仁贍為壽州節度使冬周師入淮旬命神衛統軍劉彥貞帥師向壽春以禦之遣江州節度使皇甫暉將兵為援時師棄營退據浮橋以俟我師彥貞議追之仁贍以為之師姦謀恐其設伏不如養銳以俟其隙彥貞將家子少長富貴惟貪恠聚斂為務莫知兵法不經戰鬥多喜虛譽能射帖子俗謂之劉一箭乃曰

敵聞吾至則先遁之不追何待裨將臧師朗等恃勇寡謀貪功輕敵不顧兵騎夜發晨食至正陽爭據其橋數戰不利為周師所敗諸將皆沒凡喪師徒僅以七萬時江淮寧久民不知兵大軍既敗莫不惶怖諸郡無備皆棄城而北于是遣宰臣孫忌及鍾謨李德明固請割地為便陳覺尤忌德明因是固執割地無益且言德明背國圖利然德明素無行義言多過謬舉朝不信德明知說不見用乃大呼于衆曰周師渡江國必亡矣嗣主怒乃斬德明使齊王景達與陳覺帥師向壽春為援先是讓皇一族徙居秦州至是命園苑使尹延範迎置京口時道路已亂延範慮有變其二弟六十餘人殺之以其婦女渡江嗣主大怒腰斬延範楊氏遂絕既而嗣主泣謂左右曰延範之死乃成濟之

徒與孤非不知之不得已矣初江北諸郡興屯田執事者虐用民力人多怨之及周師至皆以牛酒迎之而周師不能安撫皆奴隸俘虜視之如草芥民乃不愜相與起義治農器為兵編紙為甲胄處處保聚謂之白甲子周師討之每為所禦劉仁贍厲志堅守遂襲城南大寨俘斬數千級裨將張全約周饒皆決以死誓是時諸路進攻朱元復舒州李平克蘄州唐進克秦州周師在諸郡者皆退舍壽春元帥景達與陳覺屯濠州聚兵五萬無決戰之計築角道欲通壽春張全約與周僥不和仁贍乃斬全約而周僥病死仁贍亦發疾時朱元陳覺有隙將戰遂與部下叛裨將廷時享止之元殺之而行于是諸軍大潰邊鎬等為之擒景達陳覺奔還劉仁贍疾篤不能視事副使孫羽以城降

惟楚州守將張彥卿不下周師圍之矢石如雨民雖死困守益堅迨一年食盡方陷彥卿夙將之後善撫師旅共鳴甘苦城破之日與軍十萬戰而沒無一生降者遂屠其城世宗召江南之俘劉承遇諭以通和嗣主遂遣宰臣馮延巳陳覺奉表至州獻舒廬滁和蘄黃之地以和遂下令去帝號正朔從顯德以營屯應援使林仁肇為潤州節度使贈劉仁贍太師追封衛王贈孫忌大傅追封魯國公贈張彥卿侍中放太傅宋齊丘于池州九華舊隱初朱元之叛舉國震攝時陳覺李徽古每白嗣主言國祚將亡宋公本造國手非此公不可請舉國授之國事委行之後以聞陛下深居後苑舉覺時從容奉談釋老而已嗣主乃命

中書舍人陳喬具詔將行喬極諫其議遂止陳覺自奉先面

以世宗之命告嗣主曰江南連年拒命知是宰相嚴續所為可殺以謝過鍾謀聞之不信白嗣主固請北使覆實其事乃遣謀告謝自責言非續之罪此乃本國之過也世宗曰必使續如是乃忠臣矣朕為天下之主肯殺忠臣乎謀既反命嗣主乃下命盡發其前後罪惡遣使監守宋齊丘因自縊而死貶陳覺李徵皆殺之初既使孫忌奉表稱藩而世宗遣李德明反命議割淮南以和而不聽德明見殺復使景達出世宗聞之怒江南皆約遂問忌江南虛實忌對曰臣奉國雖小然甲兵尚三十餘萬未易可圖世宗讓忌曰江南不過十數郡而師旅太多何見欺與忌曰精甲利兵雖即十餘萬然長江一條飛湍千里風濤激湧險過湯池所謂天塹也斯可敵十萬之師國老宋齊丘智謀宏

遠機變如神指授師徒坐制之勇乃王猛謝安之徒斯亦可敵十萬世宗聞而惡之乃載忌使諭劉仁贍趨降忌乃反其辭會左右譖忌于世宗云昔說朱守殷以汴州叛尋殺忌後使鍾謨還命曰朕與江南大義雖定然宋齊丘不死殆難保和好尋齊丘之死亦由是焉時慧孛頻見斗牛之分乃議遷都以避之且建康與敵隔境江又在下流敵寇若至則嬰城自固苟令外郡守鄴能救其難乃為劉禪陳霸先耳今吾移都豫章據其上流而制其根本此上策也群議未決唯樞密唐鑑贊成其議乃使修葺洪州為定都之計封次子從嘉為吳王居東宮貶禮部侍郎鍾謨尋殺之貶天威軍都虞侯張巒于宣州殺之與鍾謨謀逆故也改豫章郡為南都是歲太祖登極建隆二年春嗣主如

南都立吳王從嘉為太子監國所過郡邑慰勞守宰存問高年疾苦次于廬山與從臣游于山中寺觀徧覽勝景賦詩談晏旬日而行三月至南都洪州乃藩鎮之地及為王都則湫隘尤劇官府營署十不容其一二自公卿下至軍士阜隸皆旦夕歸嗣主恐生變憂憤煩悸因此唐鎬阿旨欲致極法鎬懼縊死嗣主方議東還未幾而疾作殂于洪州年四十六歸塋建康嗣主音容閑雅眉目若畫趣尚清潔好學而能詩然天性懦弱素昧威武自嗣主以來常欲脫去機務游泳澹寂以係嗣主社稷不獲其已而聰悟迷惑闕于聽斷故多為右左所阻東征西討出不由衆刑辜戮姦於怒是致號令無法長惡稔愆喪師虛國自己而作及周師俄至頽然無備神情委懾若無所措先主顧命之

詞徒虛語耳孝子賢君不亦遠乎于是劔于割地媿作藩臣情慮荒悸不能自懋遂議遷都遁強趨弱亦叔世季年寔可嗟悼既至南都常不自安將晏百寮于殿上忽見故太傅宋齊丘自陞而趨進遂惡之入而得疾數日而殂識者謂信讒而害于良善之故矣初先主既封齊王將受吳禪有善相者至先主遂列諸子見之相者因指齊王景達曰此雖不及于公然善持守者也先主復嗣主相者曰只恐不了公家事先主不從及嗣主繼立常欲禪位景達與宋齊丘既不獲後果喪淮甸而國幾亡矣後景達出鎮臨川開寶中以壽終

江南野史卷第三

後主

宜春王

後主名昱字重光本名從嘉及嗣立政焉嗣主第六子太子莫同母弟初封安定郡公周師入淮甸遷神武軍都虞侯沿江按撫因獵于野時周世宗怒不割淮南地師衆將渡江征建康見白象貫空使覘之乃後主與衆獵馬嘆曰彼有人焉未可圖也遂止嗣主聞之因立為後吳王叅政嗣主南遷洪州遂立為太子監國嗣主殂遂即偽位尊母周氏為太后立妃周氏為皇后封諸弟為王百官偕加職罷諸郡屯田歸州縣委所屬宰簿與常賦俱征隨所租入十分錫一謂之率分以為祿廩諸朱膠牙稅亦然由是公無遺利而屯田佃民絕公吏之撓刻獲安業焉

乾德二年始用鉄錢以十當銅之一初嗣主即位征伐頻起先主德昌泉布既竭遂議鑄唐國錢其眉曰唐國通寶約一千重三斤十二兩至數年而弊百姓盜鑄幾至一斤餘以一文置水上不沉雖嚴禁不止至是有鉄錢之議既行至數年物價漸增諸郡之民復盜鑄者頗多而輕小環外芒刺不及官場圓淨國家雖以法繩之犯者配遠郡民罹之甚衆而不止又先主世不槩括定民產自正斛上別輸三斗于官廩受鹽二斤謂之鹽米百姓便之及世宗尅淮南鹽貨遂艱官無可支至今輸之猶為定制以林仁肇為南都留守南昌 冬建州節度使陳晦卒時後主亡恤政務曉于禁中臥聽內道場童行撞鍾有節度喜而召之與剝度為僧而童子姦猾對曰不敢獨受恩澤願陛下如

佛慈悲廣覃諸郡于是普度焉是歲十月二日後主納國開寶三年冬後主因校獵于青龍山還大理寺親錄囚繫多獲原宥給事中蕭儼中書侍郎韓熙載等彈奏稱獄訟必申有司囹圄之中非車駕所宜至請省司罰內帑錢三百萬充軍資庫用三年夏太白日見至秋方沒又二日相觸時人以視見之是歲韓熙卒天王使至諷後主入朝昱不應詔初流言共謂比使竊伺後主送餞至船必載之北渡自是後主懼不復登使者舟秋撫州齊王景達卒遣弟宜春王入朝京師冬有商人上密事請竊往江陵焚燒北朝所造樓船戰艦數千艘乞割符驗從主惧事泄不敢聽于是商人遁去下令貶損制度下書稱教改中書省為左右內 史府尚書為會府御史臺為司憲府翰林為弘文

館樞密院為光政院降諸王為郡公初臺閣殿各有鳴吻自乾德後天王使至則去之使還復用至是遂除四年冬南都留守南昌戶林仁肇卒遇鳩也誅內使人舍人潘佑戶部侍郎李以侍衛親軍都虞侯申令堅為吉州刺史六年遣次弟鄧王從益朝京師尋遣迴諭後主入朝六年冬王師濟江尅池州以天德軍都虞侯杜真帥師禦之敗績于當塗遂戒嚴城守下令去開寶之號公私牘籍稱甲伐歲募民獻納緡粟以裨國用而署之以爵秩時獻者頗多袁州萍鄉制置使劉茂忠破潭師于境內八年春有彗星孛于東方初亘中天其末曲向北時謂之掃星迨曉幾亭午短如帚焉城將陷沒越人攻丹徒命同德軍都虞侯盧絳督舟師出援之是歲閱民為司徒師初先主之世既

為量民田以奠科賦自二緡而上家出一卒魏為義師中有別籍分居又出一卒謂之新生擬軍至民間有新置物產者亦出一卒謂之新擬軍又于客戶內有三丁者抽一卒謂之團軍後改為拔山軍使物力戶為之將校董之又嗣主之世許諸部郡民剗斃渡船每至端午官給絲俾兩兩較其殿最勝者加以銀錠謂之打標皆籍其名至是盡蒐為卒謂之凌波軍率民間庸奴贅婿謂之義勇軍又募豪民皆自備緡帛車服兵器招集無賴亡命輩謂之自在軍民應之者益多矣王師圍急乃竊降蠟書招百姓自老弱外能被執者謂之排門軍凡十三等名遣赴邊境及登城把守建康城陷方罷歸農其將校起發入京師數年放回鄉里夏誅神衛統軍都虞侯皇甫繼勳秋洪州節度使

朱令贇自潯陽湖口帥水陸諸軍將校援建康進次虎蹲州與王師合戰衆皆潰令贇死之初後主以大兵圍近歷年百姓疫死士卒乏食俾陳作降款與太子出降使行人與約詰旦至午未決尋城陷都招討使曹彬既入後主出拜于宮門彬曰何故負約後主無辭唯言人心不一故也遂令左右奉璽綬上彬彬復命後主作書委諭諸郡令以城歸順唯江州不從其裨將胡則殺刺史監軍使遂據城叛先鋒曹翰帥衆攻之師老而疲至明年冬食盡方陷遂屠其城王師既入建康唯後主宮門不入時昇元寺閣教層高可十餘丈梁時為瓦棺閣豪民富商之家避難于上迨千餘人為越人所焚一旦而熄彬乃使監守後主與二弟太子而下登舟赴闕百司官屬僅千艘將發魏泣之

聲洶于水陸既行後主于舟中時泣教行下因命筆自賦詩云江南江北舊家鄉三十年来夢一場吳苑宮闈今冷落廣陵臺殿已荒涼雲籠遠岫愁千片雨打孤舟淚萬行兄弟四人三百口不堪閑坐細思量既至汴口欲登禮普光寺左右尤諫止後主怒而大罵曰吾自少被汝輩禁制都不自由今日家國俱亡尚如此耶登之拳拳而禮歎念久之散施衣物緡帛至京師乃面縛銜壁群臣輿襯以見太祖太祖以後主拒命勞師然念稱藩入貢二十餘年乃赦之後主與臣寮素服屣步太祖御乾元樓乃告曰汝為江南國主已乎豈見左右班列儀衛嚴肅股慄久之不能對尋命赦罪賜冠帶遣就館封違命侯授左千牛衛上將軍太宗登極改封隴西公太平興國三年秋後主因疾

作上宣翰林醫視藥中使慰諭者數四翼日而殂在偽位十五年四十二贈太師追封吳王給賜舍祿彌厚中使護喪事初後主既違朝旨拒命不行嘗謂人曰他日王師見討孤當躬擐戎服親薦士卒背城一戰以存社稷如其不獲乃聚室自焚終不作他國之鬼 太祖聞之謂左右曰此措大兒女語耳徒有其口必無其志渠能如是孫皓叔賢不為降虜矣至是果然後主自少陵邁喜肄儒學工詩能屬文曉悟音律姿儀風雅舉止儒措宛若士人酷信浮圖之法垂死不悟常于禁中署僧尼寺宇中常所聚徒追教百人朝退與后頂僧伽帽衣袈裟轉誦佛書手不暫釋拜跪頓顛至為瘤贅親為桑門削作廁簡子試之顯頗有少澁滯者再為治之其手不抄乃學佛握印而行百官士

庶則而效之由是建康城中寺院僧徒迨至萬餘親給廩米帑截緡帛以供之常召募有道士為僧者與之二金徃徃貪苟而為者僧犯姦有司具牘還俗後主乃聽僧人姦淫本圖還俗今若從之是縱其欲勒令禮佛三百拜免其刑北朝聞之陰選少年有經業口辨者徃化之後主崇奉謂之一佛出世號為小長老朝夕與論六根四諦天堂地獄循還果報又說令廣施利梵營造塔像身被紅羅銷金三事後主讓其太奢乃曰陛下不讀華嚴經爭知佛富貴自是襟懷澹悅兵機守禦之謀慌然而弛困廩漸虛財用益竭又使後主于牛頭山大起蘭若僅千間聚徒千衆旦暮設素食無非異方珍饌一日食之不盡明旦再具謂之折倒時議謂折倒為翌日讖及大兵至獲為營署北朝又

俾僧于采石磯下卓庵自云少而草衣木食後主使贖供獻佯為不受乃陰鑿穴及壘石為塔闕數圍高迨數丈而夜量水面及王師剋池州而浮梁遂至繫于塔穴且渡南北不差毫厘師徒合圍乃小長老議其拒守對曰臣僧當遙退之于是登城大呼而周麾兵乃小却後主喜令僧俗兵士念誦救苦觀音菩薩滿城沸湧未幾四面雨石矢雨下士民傷死者衆後主復使言之托疾不起及誅皇甫繼勳之後方疑無驗乃醵而殺之時城中有僧數千乞表被堅執銳出城鬪戰後主不從曰不可毀他教法宰相湯說吏部尚書徐鉉之徒但順非文過尸祿希旨曾不一言諫諍坐待主師陰伺敗亡隨作議虜韓熙載諛佞苟容嘗上疏云諸佛慈悲尚容悔過言多此類任成禍胎見危是幸

迨盧絳出水戰生獲裨校及甲士百人其校身狀魁岸容貌甚武將見後主或告之曰若對官家善為詞說必免其禍校乃抗聲彼則一國主何官家之有既見喏而不拜後主喜而且懼因問北師中似汝輩老幾對曰國主若悟誠宜趣降為一城生民延命苟不如是旦夕之中適為魚肉如吾輩者幾萬何足問之後主默然久之無斷令出為閹人所刺乃大呼曰吾恨死不得其地矣餘甲士皆重傷後主哀之給飲食藥餌治之迨損引見各紹曰官家如佛慈悲好生惡殺臣等無以為報荅願踰城竊斬北師以謝生成乃夜縱之迨旦皆割馘而至後主喜之賞賜有加于是再遣之而不復至矣後主不知賊即城外百姓耳獻焉故城中虛寔之狀皆被測之諸郡有斷死獄者當先奏牘既

詳覆無疑乃于佛前炷香爇燈以達旦為驗若火滅則從之如
燃則貸死富商大賈有犯法者乃賂左右內人竊續之而貴獲
宥者多矣其為人朦昧茫昧如此不亡何歎初北朝兵將興吉
州子城上有神見頭如車輪額上有珠光燦其月軍民皆看教
日而沒今俗呼為天王樓又建康城外松江排大樓船皆有將
軍之封忽一艘且吼如人聞于十教里後主乃降挾決之又見
鳧雁自北而飛迨千群至城側叫嘯悲鳴遺糞于城屋及女墻
上皆白而臭月餘乃止城中士庶衣碧服染時須絳宿露則愈
鮮時呼之為天水碧盧綾曾氏將娶婦忽化為女後嫁之生子
焉又有海鱸形如大堤長教十丈至于潯陽值冬水涸不能旋
每每噉啜水自脰而出或云海神取其珠矣迨死人食其肉多

者至卒以脅骨為橋脊骨為臼齒鱸者鯉之類也既死則國亡
其恠讖多若是是之君臣皆顯蒙不悟其妖

宜春王從謙嗣主第九子後主之母弟幼而聰悟好學有文詞
年未弱冠有能詩之名嗣主嘗于苑中與宰相奕而從謙侍側
嗣主命之賦觀棋詩從謙乃命筆立賦曰竹林二君子晝日意
況吟相對終無語爭先各有心恃強終有失守分固無侵若算
機關處滄溟想未深嗣主覽之驚嘆令頒示百寮以為規戒士
流爭寫紙價動于建康及後主嗣立封王開寶中天王詔後主
入朝昱未行乃遣從謙奉朝貢既至敷奏無失禮節 太祖優
恩封之為克王賜第宅賜賚頗厚恩極藩戚未幾侍上從容謂
之曰卿可貽書與國主令入朝奉朕當大駕抵宋亳而迎封之

以太府所謂彼此遭逢自無失時從謙對曰臣兄以庸菲之才
嗣守宗廟陛下垂覆載之恩許之入朝寔千載一遇必須奉詔
太祖因賜酒食絳帛而罷及從謙為書使至建康論以上意而
後主為陳喬等所制乃不從及平建康後主入朝 太宗詰以
不從從謙之旨拒命勞師後主懼乃偽對以不聞其命

太祖怒遂降從謙于南班既以家國喪亡爵秩貶妃御不存
默默不自安遂臥疾日而卒初從謙奉使宮口質而不返其妃
每哭詣後主無以為計每聞使至必避之而已兵未起以思慕
不已而成疾卒後主后周氏司徒宗之少女前后之妹以姻戚
往來宮中後主見其美姿容乃納之前后疾將殛忽見后入乃
問妹妹幾時至宮來后時年幼不知嫌疑即以實對曰既教日

矣后怒遂面壁而臥至死不顧后既殂常入禁中至納為后乃
成禮而已將納綵後主令交鵝被以繒綵使御書極于侈靡及
親迎民庶觀者或登于屋有墜瓦而死其夜燕群臣韓熙載而
降塔為詩以諷焉而後主不之譴自是士庶婚姻寢成風俗及
後主封違命侯后封妃太平興國三年後主殂未幾后亦卒

江南野史卷第四

宋齊丘

宋齊丘字子嵩世為廬陵淦陽阜山人父誠因巢寇之亂與南昌人鍾傳同起于草野唐王不能制時高駢鎮淮南遂表傳為洪州節度使尋封南平王以誠為副使卒于任所齊丘因是以為故里焉齊丘少孤好學為文其体頗質朴而無師授活業貧委遂游學于諸郡自以世亂乃篤志于商君長短機變權霸之術與之談者皆屈莫能究其涯浹時先主刺昇州其親友饒洞天出守廬陵齊丘因刺謁之與語終日延于門下旦夕為之醮因訪時務未幾洞天解郡遂命載歸廣陵未至而洞天疾病且死因遺書薦之于先主既至棲遲逆旅累調整乏因吁嘆教四

其鄰娼優女樂魏氏聞之乃竊賂遺教緩由是獲備管幅遂克
投贄一見先主賓之以國士大獲賂遺尋而娶魏氏館而給之
因說先主廣延儒素務農訓兵黜陟姦否進用公廩修學廢墜
制御姦雄凡數年間府廩盈積城隍完浚士卒驍勇義父徐溫
聞而往自鎮之乃遷先主刺守潤州未幾溫嫡子知訓為朱瑾
所殺齊丘乃勉先主帥兵渡江以平其亂奠衛社稷潛立大勲
代秉其政若握重兵制御群下可成洪業既至遂果代之時吳
主既弱政出多門君臣緇紀弛而不振乃修復政理動據禮法
務葺民庶罷其不輟總以要務寬省征賦農有定制官無虛祿
輯睦公族撫存將校優給卒伍爵賞有功刑辟中度斥捕擄寇
上下咸乂皆齊丘之謀焉又說以虛懷待士博訪藝能遂立延

賓亭招納賢豪以敦著時望復創一池中立亭宇每與先主登
臨乃屏絕人跡以議家國或至夜艾池亭今猶存焉先主欲致
之重位然為所忌遂署為府中從事溫愠因擢拜右司員外郎
復授諫議大夫兵部侍郎居府中日議庶政乃使人于淮上延
接北土歸義士大夫孫忌韓熙載等數十人皆以仁愛惠義致
諸腹中故得人莫不樂為之用齊丘自揆以草野之人遭會英
傑言聽謀從身居顯位儒家之榮于斯為盛遂告歸豫章改葬
既入九華山下卜居退身表乞致仕吳主累召乃數表堅讓略
曰昔高宗之夢得說西伯之獲非熊况臣非築岩之相釣渭之
賢祿位彌重且居山野云云時嗣主已為大將軍先主乞贖吳
王詔親往慰諭優辭敦勉彌留旬月然後乃起方舟並濟犴狎

如友既至先主喜分約父子授中書侍郎遷僕射平章事先主位望崇重基構彌隆因謀為禪代乃請先主移鎮金陵以基王業交結隣好綏悅守宰廣覃恩施撫緝遠邇吾輔元子觀其間隙以待時情于是從之然吳主恭默勞謙人心未殆而宮禁之內嬪御貴戚警教嘖軌之微齊丘莫不知之以陰聞建康議以劉穆之之輔宋祖無以過之吳主忽謂左右曰孤克已雖勤為下所奉然為徐氏制馭名存質喪今欲求為一田舍翁將安所歸乎遂泣下教行齊丘聞之乃還建康議遷都金陵吳主既半渡遂引至潤州安置號丹陽宮未幾使諷吳主禪位先主既膺禪位齊丘復請歸姓以紹唐統冀德威四方遂遷右丞相司馬元勳乃就國步既安因表罷相庶崇止足以避賢能遂除洪州

節度使既至乃召故老親屬與叙情舊飲晏彌厚溥沾饋遺乃改其故里為親愛里坊為衣錦坊更易弊政補緝群條庶民便利莫不榮之迨先主為疾詔還受顧命托以後事嗣主加大傅以前官相之嗣主襟量仁懦言幾玩狎恭已無法大失統御或深居宮禁全忘霄旰齊丘每犯顏諫正陳以昧旦之道馭朽之危又欲捐社稷傳位于太弟于是上疏論及先主創立之艱憂勤之重狂諫不從未幾以為浙西節度使自是左右侍從皆東宮白面少年儒流雅士韓熙載之徒多肆排諛以先朝老臣終不為少主所用嗣主顧眄頗見慢色齊丘知之求罷其政但奉朝請而已年既衰暮自負勳奮不能折節降身隨時客眾為鍾謨常夢錫江文蔚蕭儼承非順旨尤生謗瀆乃嘆曰烏盡免死

則方藏犬烹矣因表乞歸九華舊居嗣主以左右皆為詐徼要
君上乃賜號九華先生封青陽縣公食一縣之賦至四年嗣主
命齊王景達就詔與俱還建康亦奉朝請而已至六年又出鎮
洪州九年復詔還拜太師固讓十一年復往南昌十三年周師
入淮甸詔還謀難始齊丘賜歸九華朝廷多用文儒以干戈為
戲屢征閩建復討湘沅外乏師旅內竭幣藏國用軍器宕然虛
匱淮甸疆境棄如土芥養老乞賢以為迂典諮詢謀耻而不行
國師暴至遂失備禦方詔還議軍事未至以劉彥貞為都統出
援壽春齊丘聞之曰斯乃蹴鞠射恬之徒焉能總衆以禦勅敵
辱國喪師必是行矣既至因表乞急詔還彥貞聞之狼狽而行
未幾果沒復以朱元又叛諸郡皆陷選將閱師稱藩割地皆匪

專謀復告老謝疾乞骸歸南昌既而嗣主自亡淮南神情躁撓
荒悖不安嘗曰吾欲從脫國務放心云鶴每思寄托恨未得人
時陳覺李徵古等常見親密因順旨而言齊丘先朝夙老諭家
造國四方所知若委之國事俾繼伊旦陛下暫輟萬機高宴深
宮候睿德隆寧歸政何晚又會鍾謨北使返謠稱世宗曰朕與
江南分義既定然宋齊丘不死殆難保其久求合朝順非遂成
釁隙因是貶殺覺等時齊丘不知其旨乃見艫艦舟詔入遣婦
九華既至遂絕糧七日而卒齊丘昔常著起云至于千懇萬端
只為飢寒兩字人見其死謂之自讖齊丘所薦進者唯能先萌
未兆智策宏遠才堪致化理能易俗與己合志同方者乃授拔
擢凡教十人名皆顯達貴歷朝廷豈以尋章摘句牋賦經史殘

剝古人之詞為文士者哉故齊丘之學天才縱逸穎出群彙混然而得非耗蠹前修而為之辭至如鳳臺山亭詩延賓亭記九華三表有古人之風格化書五十餘篇頗幾于道家凡建碑碣皆齊丘之文命韓熙載八分書之熙載常以紙實其鼻或問之故答曰其辭穢而且臭時見謗誹多此之類齊丘嘗與先主議選宮嬪雜以珠貝羅綺使之泛海北通契丹欲圖復中原而虜主耶律德光使之厚幣遣還殆至淮北乃使人殺之復遣公海賈琛以為報聘虜主不知謂北朝殺已之使因漸搆隙前後如是者數四于是德光大怒教寇邊境及銜晉少主與之抗禮遂入梁園遣使召江南與之會醮嗣主謙抑辭而不行故周世宗初征淮南詔書云結連并寇與我為仇勾誘契丹至今未已皆

齊丘之始謀也或云虜母青媛乃江南之嬪且當嗣主懦躁輕肆失言陳覺之徒諂諛率爾詭對不能慎其樞機禍及正人亦非夙心素志同誠協謀復會鍾謨蘧篠讒匿交亂庸君九華之墳未草謨亦繼誅簫儼以蒙古瞽無文慙而復訐江文蔚辭賦常品學非博通常夢錫以幃箔之內孫雜不修韓熙載淫而無行縱誕不持豈能知變識機立功定業當齊丘秉政蒞任皆斥腐儒鯁生身誇行穢故不大用位已崇峻由是哆于頰頰皆憎而譖群誣黨議十舌百辟加之齊丘性度不能洪綽襟器斗筲苟不附已莫之容忍汪台符識其名字潛沉深淵初鎮江南日有故識慢言致之大辟乃榜其尸曰毀辱先皇謗訕今上亂臣賊子宜棄市朝斯亦孔子所謂管仲之器小哉初囚九華乃命

筆作老牛歌以獻為獻者所匿今傳于人口將死謂人曰吾昔
幽囚揚氏于秦州一無聊生吾之罪也然今一死故無所恨遂
自縊而卒七十餘矣有一子先世而亡

江南野史卷第四

江南野史卷第五

孫忌

劉仁贍

陳海

鍾謨

朱元

孫忌者本名晟山東齊郡人少家貧力學能屬文朱梁主舉進
士會莊宗立號河北方召募河南仕人忌因亡之署為著作郎
直史館莊滅梁隨都落下迨明宗嗣位以莊宗藩漢馬步使朱
守殷出鎮汴州辟忌為判官遷負外郎守殷猜之惟不能自安
忌因說之叛明宗使安重誨攻之城陷守殷伏誅忌乃窘迫落
髮為桑門將亡淮南時圖像索之頗急至正陽未濟追騎適至
忌在岸偽捫蝨啗蟻追者睥睨久之乃去忌方獲渡至旅邸翹
坐先主常使親信于淮頭竊覘過客見忌姿儀偉重有異常僧
乃走庭下喏之忌端然不答逆者知之乃聞先主使人迎置門

下優客禮問忌以實對遂令髮冠帶後從先主渡江署鄖度巡官彌見親寵每至宴談迨旦迄夕與徐玠同禪禪代擢拜翰林學士知制誥文辭疊順優宛而古尋遷中書侍郎才宏口辯詞說泛濫常為宋齊丘所忌憚迨嗣主即位素所畏重累遷右僕射平章事與馮延巳俱相頗有志于重熙富庶爨育疲民時已下湖南忌白嗣主楚國兄弟自取敗亂其民何罪使之困瘁欲且解桂林益陽之師以節鉞受劉言使自安緝莫惠有衡潭之地則二藩在吾彀中爾延巳恨不復識大躰不然其議未幾劉言果襲取長沙邊鎬棄城而走忌鄙延巳謂人曰玉卮象甌盛內狗穢雞樹鳳池棲集梟翟遂求罷相嗣主許之未幾會周師攻淮南劉彥貞等全軍陷沒劉仁贍固守壽春嗣主懼遣忌與

王崇質鍾謨李德明相次奉表稱蕃請和周世宗留忌使德明反命請割淮南十四郡以江為界朝議不從殺德明使齊王景達陳覺朱元等救援壽春與周人屢戰會朱元叛軍遂遁惟仁贍堅守不下世宗怒江南失約遂引忌責之及話江南事實忌對以兵甲尚強宋齊丘良相也乃致忌于樓車令呼仁贍趨降忌知終無生還之理不忍負國家恩顧至城下乃反辭大呼曰劉仁贍汝好固守城池江南救援即至我遇強暴死在旦夕汝可劾死立忠無為降虜使我羞于泉下左右交擊其口忌顏色自若世宗怒殺之即將刑時整衣冠望南而拜曰臣不忘主恩謹以死謝遂斬之忌家先為明宗所誅過淮娶婺婦高氏乃燕公幹之少女元子有婦隨子李紹慶嗣主優秩以慰之追封

中書令魯國公

劉仁贍者濠州刺史金之次子也少習兵法起家為小將性淳謹器度偉重喜怒不形于色總領兵士嚴而不殘有良將之才出典郡符剗治無滯有政績能名軍民樂其仁信詔入為天威軍都虞侯常直宿衛復出鎮江夏長沙之後師州刺安撫郡邑士民服從入典禁兵甚見親任保大十三年出鎮壽春未數月會前監軍使奏罷冬月泆淮把淺屯戍饋糧仁贍奏以邊境備禦弛廢乞分重兵以防不虞未報周師果至城中將校軍吏皆挽懼不知所措仁贍按行城壘分兵指援守據要衝視如閑隙衆心遂定劉彥貞援軍既至將追周師仁贍固止之曰北人姦詐恐其設伏故宜按甲養銳以俟其隙彥貞性本佻侮不習兵

術乃曰賊聞吾至必先遁走所謂縱敵耻也不追則貽患乃奮行果為所敗自是群下伏其料敵各勵死力以聽任使之命周世宗師衆四面攻擊仁贍支梧拒守經年不能下遂與裨將破城南大寨斬獲數千級北人大攝又表邊鎬代已守城自帥兵決戰莫定得表嗣主畏懦惟加撫喻不從其表因慎惠而疾其子謀叛遂命立斬監軍使周搆哭而救之亦令併誅及周世宗樓車載孫忌至城下大呼仁贍曰汝可固守城隍效死立忠無為降虜使我羞于地下于是士卒聞之心堅鉄石仁贍猿臂善射發無不中一旦世宗親臨城下坐幄中觀戰士攻城仁贍自上城射之矢去御坐數尺輒墜左右驚愕咸諫請少避之世宗乃曰一箭射殺一天子天下寧復有天子乎遂命左右進床坐

于墜箭之上矢復至又遠教步而止仁贍知之乃捐弓投矢謂左右曰斯乃天也非吾不能中之吾世受國恩兄弟門列祭戰者教人然不能治危捍敵寧靜邊境貽憂君父吾且耻之今雖病猶能奮力執戈與諸君背城血戰死于旗鼓之下乃吾之分終不以大丈夫之節屈身以事二姓笑久之世宗駕亦起仁贍疾彌加不能視事副使孫羽等懼不能謀遂以降世宗嘉其忠果使昇親自慰諭授以節鎮之任仁贍不起以手指口而卒時日陰曠天雨黃沙士卒聞之莫不人人銜泣而哭曰上天不仁而使吾父死也何用生為自刎者教十人初仁贍歷歲久不克世宗城淮北為壽州迨仁贍死乃以故城為壽春縣君子曰以周世宗之神武雄斬當矢石而不懼予觀自古帝王之達者一

人而已况 太祖太宗躬總元戎而兼爾彥貞可禦諸乎仁贍出未逾月而淮上兵起其得士卒之心樂為之用命若非良將又焉致之

陳海者建陽人生而期月足勁能履父母異之小字阿鉄為人勇敢足膂力長而任使仕至郡裨將軍中壯之呼為陳鉄將軍圍建州海每出戰前鋒懼之難與為敵及陷城後為王建封之所獲將釋縛斬之自踴出于群眾執者不能制追之不及乃奔查文徽軍中文徽素已知其驍壯遂以為小將俾領其舊部招集亡叛復與潘承佑薦于嗣主以為劍州刺史及征福州李義海為前鋒大破其將馬先進之衆遂遷建州鄴度使委鎮邊境復有吏幹兼治農戰軍民化服及周師入淮甸海遣長子德誠

引卒數千赴難于壽春諸將戰多不利喪失帥徒惟德誠出入堅敵未嘗少挫鋒銳班師之日獨賞其軍旌之為百勝授以和州刺史德誠自少好學才兼文武有能詩名從累刺池虔為郡有政績故海之爵位累至同平章事在鎮十數年多薦儒學甄升將校時議多之因疾求罷後主召至建康疾篤親臨其第視問慰勞即日而卒其諸弟一皆官至顯位焉

鍾謨會稽人徙居建安博學善為文章嗣主愛之遷自末品寵任異常轉至吏部侍郎中為人諂諛佞媚反覆難信復多妬忌及使為周世宗所善使歸諭旨乃擅自益加諸潤色常以籩箴為陳覺所排少與李德明親友頗怒覺等樹黨救之固求北使覆驗覺言嚴績之事往來教四嗣主不能揣悟事理獨任偏辭

貶殺覺等釁加元老自謨之始也時議以嗣主使鍾謨覆實而殺覺若使覺覆驗必殺鍾謨也及遷禮部侍郎知常事主昔之在多換其殼推勢危峻克剝侵官百司之務多出于已李德明之死唐鎬務其謀至是鎬懼不自安會信州刺史張巒入衛謨素與善每詣謨第輒屏右左而語或至夜分鎬知其因搆之及太子莫卒子幼從嘉乃莫同母弟當立謨與第七子紀公從善同使北朝尤胥優狎頗相稱譽因白嗣主言從嘉志德俱掠非社稷之寄盛稱從善器度崇偉真人神之主嗣主由是積怒不已逐于饒州尋殺之謨始殺陳覺迨唐鎬除謨罪亦見誅不亦可乎朱元者蒲津人在本府節度使李守貞為從事周太祖輔少主將禪代守貞不從太祖帥師圍之急乃使元洎李平奉表來乞

師嗣主以某州節度使李金為北面行營招討使與劉彥貞查文徽魏岑等將兵救之聞其城陷而守貞自焚乃班師因是署元以文資與平累遷至尚書郎及周師伐淮南諸郡守將皆遁時元帥萬餘衆克平舒州會元帥齊王景達與監軍陳覺有隙疑其將叛遂密表請遣元詣濠州議事元聞命恐為覺所害將叛其裨將時廷厚不從元殺之至紫金山將戰遂以所部降于世宗于是諸軍大潰景達陳覺亦奔還嗣主怒議斬元妻子及查文徽之女文徽屢表雪之誠款懇切嗣主署其表曰只斬朱元妻不殺查家女文徽乃无詞世宗以所叛之衆別作一營以元為蔡州刺史

江南野史卷第五

江南野史卷第六

彭昌

尹琳

彭玕

陳貺

沈彬



彭昌者其先隴西人世習儒學為鄉里所推初唐相牛僧孺其祖遠仕交廣罷秩還至郴衡間為山賊所擄掠惟僧孺母子獲存遂亡入江南止于廬陵永川焉迨長為母所訓遂習先業縣之北有山名絮芋源下有古臺古老傳為聰明臺其下有湧水曰聰明泉古今學者多此成業僧孺乃舍其上而肄業迨十教年博有文學會母死遂葬于縣之西南才德鄉大學里既隨計長安以文授吏部韓退之與皇甫湜大為知遇使候其出乃往署門以譽之凡自遺補而下迨百人皆刺謁焉由是聲華蔚然擢上第不十數年累秩相輔時昌四世祖居于僧孺母墓之側

應諸科舉至京師僧孺聞而引與見問其墳陵彭氏幼而不知
默不能對及歸為修其塋會僧孺罷相出鎮襄陽未幾暴薨故
其墳未曾封至今本縣後面經俱載聰明側泉有牛相讀書堂餘
址尚存其墓所左右前峰巒絕秀宛如侍衛曲澗流波迂回而
去頗為人所欽慕而昌之子孫或農或儒世不絕人焉

戶琳者其先濯為晉平南將軍廣州刺史封鄱陽侯濯死葬于
廬陵永新縣積慶鄉今墳猶存而諸戶僅數百家皆其子孫也
唐開元中戶氏女姿容頗麗性識敏惠不因保母而妙善唱歌
因重陽與群女戲登南山文峰而同輩命之歌乃顰眉緩頰怡
然一曲聲逗教十里故俗者舊云戶氏之歌聞于長安時刺史
因行部至邑聞而問之左右或對以戶氏之女乃使召之見其
容質娉婷年方及笄因表進入宮封為唱歌供奉日受恩寵喉
音妙絕為天下第一于時海內樂人及至主公貴戚共以邑名
呼為戶永新僉曰自秦青娥之後一人而已後元會大燕含光
殿盡放長安百姓及戎狄之長入觀大內時燕方酣百戲繁劇
而群音囂喧無由遏禦聖情煩撓左右計無所出高力士因推
永新出纔歌一聲群噪皆默于是皇襟洞豁至夕而終今存始
歌處後人號為玉女峰為立廟祠四時祭祀或天色愆亢禱之
能雨及唐末有任翰林大學士者改其鄉為才德里為大學琳
之子孫乃其後焉

彭玕者籍為廬陵人少好學通經傳唐梁之際天下阻兵遂以
門籍率群胥有大志常快快不樂于吏事每自肆坦不從職務

時曹皆鄙之一旦吏酋李氏因私命儕屬燕飲而玠不之召自
往赴之見十數輩已會久之李不具饌玠知其忌已遂去偽遺
其席帽行數里乃復往見其宴咲飲啗玠乃含笑取帽而去嘆
曰大丈夫當取富貴食列鼎俎何必狎此鼠輩而聚飲啜乎其
婦聞之曰謂以箱奩之資易酒饌以致報何嘆恨之有玠遂之
乃召李氏主客皆至酒酣謂眾客曰玠不調不能從事于諸君
請自此決退耕于農矣既歸鄉里有山名王嶺遂破家鬻產治
鉄為兵宰牛練楮為甲冑與兄弟唱召義師以自衛鄉黨為名
得勇力無賴五百餘人玠乃建立偏裨與約號令聞于郡縣守
宰未能禁未幾會群盜數千攻剽撫州雖鍾傳都督江西八郡
不能制禦時南城人危全諷兄弟亦起義師結連玠併力攻之

斬其賊帥衆盜奔潰傳聞其勇敢不獲制之遂表全諷為撫州
刺史玠為吉州刺史玠歸本郡乃廣城池務農訓禁人賭博時
有數卒竊為玠乃斬之于市以令衆庶玠欲報李使人誘之博
于其家李未之知遂圖之盡誅其妻孥數十口其偏裨將狡袁
大虫等十數輩因私言曰使君今已位重皆言吾等力成其功
而諸將並無分祿之地玠竊聞之因雪寒伏甲于幕下夜會諸
將軍宴樂酒醉因盡殺之及揚行密據有江淮而鍾傳死南昌
已歸順玠強項不從慮勢孤弱使通好潭州楚穆王馬為援因
與危全諷及信州危仔昌虔州盧覽子等歙州聚兵不攻方進
取江州行密日遣大將周本征之玠等逆戰于象牙潭為本所
敗退走乃見兄弟立寨于新淦二十里風崗拒之時寨中得玉

筍山道士劉守貞能馭鬼神每吳兵掠寨劉則嘆水調角風雨
雷電倏忽而起吳不能攻迨數年一夕劉死遂戰不利棄寨而
還玠夙將既先誅戮無以禦敵乃拋郡退保禾川遂連馬氏因
盡掠百姓戶口幾千餘家入郴衡馬氏以玠為郴州刺史兄弟
皆涖縣邑迨十年而玠死因鄉酋龍寶光裂裳為旗夜呼內外
曰有欲返江南者請從此行凡得數百戶迨千餘人以歸其副
使發兵數百遮之寶光乃帥丁壯柯大斧長刀臨水拒之與戰
追兵而還至今王嶺風崗寨址存焉及馬氏歸順江南餘民皆
至惟玠之子孫耻而不返初玠既入湖南行密使掘其墳上墳
陵唯見大蛇長二丈許目未開遂殺之玠亦死一本玠或作玠

處士陳貺者閩中人少孤貧好學出游廬山刻苦修進詩書至
數千卷有詩名聞于四方慵于取仕宇于山麓時歲伏臘慶吊
人事都未暫往時輩多師事之有季父為棗門每賴其給有詩
數百首骨務強梗出于常態頗有閩仙之致膾于人口其中有
景陽臺懷古云景陽大廟地運極自依依一會皆同是到頭誰
論非酒濃沉遠慮好花好失前機見此興亡事正當家國肥嗣
主聞之以幣帛徵之乃幘巾條帶衣裘鹿鞵引見宴語因授以
官貺不受善辭嗣主見其言語朴野翔集疏逸不却其志因賜
以粟帛放還舊居十餘年卒時及七十貺五十方娶有慶之者
曰處士新郎燕爾安乎貺答曰呵呵僕少處山谷莫預世事不
知衣裾之下有此珍美及更啗及就徵或問處士細君置之何
對曰暫寄師叔寺中或曰婦人年少為德不一何不防閑答曰

鎖之矣或曰其如水火何貺曰鑰匙亦付之矣淳質如此名士過其故居多著詠焉

沈彬者筠陽高安人少好學讀書有能詩之譽屬唐末離亂隨計不捷南游湘湖隱雲陽山十年許與浮屠輩虛中齊已以詩名互相吹噓為流輩所慕尋歸鄉里訪名山洞府與學神仙人慕虛無之道往來多之玉梁閣阜上山人遊息焉先主移鎮金陵旁羅隱逸名儒宿老命郡縣起之彬赴辟命彬知其欲取揚氏因獻觀畫山水圖詩須知手筆安排定不怕山河整頓難先主夙聞其名覽之而喜遂授秘書郎入贊世子未幾以老乞骸骨歸乃授吏曹郎致仕年將八十修養不怠嗣主至南昌彬乃撐舟往見嗣主以疇昔師授令免拜跪顧問對曰老臣自處山野不知老之將至世事不與因山妻謂臣曰汝主人郎君今為天子何不往拜冀免饑寒以畢殘齡臣不覺懽悸忘老而嗣主甚加哀憫問其子息對曰臣垂老有子尚幼遂署秘書省正字厚賜粟帛鹽貨放還尋卒彬生平虛懷好道積有年歲觀其出處未見功效然彬近居阜上有一大樹可教拱未殂前常指之謂家人曰吾死可葬于是既葬穴其處乃古塚爾觀其間儼然且絕朽腐之物復見一石燈臺有上一漆蓋墳頭獲一銅牌上鐫篆文云佳城今已開雖開不葬埋漆燈猶未爇猶待沈彬來由是墳之其次廷瑞亦為道士惟嗜酒酷于風雅常游守宰之門借貴之呼為沈道者然坦率不由刺道侯每直造階署而坐者數數矣會宰治訟繁劇廷瑞輒醉至因忌而戲之曰沈道者

何日道成時廷瑞乃應聲奪筆就几而書曰何須問我道成時
紫府清都自有期手握藥苗人不識體含仙骨俗爭知云宰
乃慙謝常衣褐單弊稍覆其軀雖至窮冬凝沍風雪凜冽不加
纈帛而姿顏若故或人憐遺之衣服亦多轉施貧寒或徻遺忘
而已後卒于王筍山死之日有人見乘舟江上而去後視其墳
陷裂尺餘矣

江南野史卷第六

江南野史卷第七

陳省躬

周彬

孫魴

鄧洵美

李家明

穎川陳省躬者南昌人

昌或作安

少負癖學與徐鉉兄弟友善先主

輔政射策入仕累官至廬陵永新令在任明察軀理吏不敢欺
敏于判部部民交訟不下吏議面訊其由窮省情素立分當否
不勞按驗兩造甘愜其訟自弭復恃其才幹徃徃判返郡符時
柳衡之盜入境暴掠民有防戍健卒御捍多為所殺省躬遂給
府緡市棺殯葬郡下符讓其專輒俾認愆疑省躬怒遂判符後
云開官庫使官緡買棺來葬官軍何過之有于是緡而遣之郡
守覽而不能屈部有教人引及知見郡吏贊符命之其人竄遂
恐迫其婦嬖懼乃自經省躬戒繫群吏仍致辭于上曰一夫抱

恨六月降霜一婦聲冤三年大早本為教人却致殺人情加明
罰由是抵罪然有過失陷頑者理有可憫辜哀而出之其佐乃
有蕭某者執法不回捐牘不署蹈禮不迨而與令爭令欲毆之
大罵曰臭下輩簿對曰啞义手者既是下輩行拳者却是上輩
令慙謝時太守武士也聞之怒其佻慢乃使召之既至下吏按
驗省躬乃寫籀文答之吏稱不辯省躬北曰何不使倅扶瞎讀
之吏示倅亦不辯于是遣還省躬謂人曰今朝廷識字唯僕與
徐家兄弟耳餘奚足算哉初南越王劉隱之子跨據交廣絕朝
貢之禮李太保使諷後主俾以書檄諭以禍福朝議以省躬才
辯遂任為佾既逾嶺至韶廣後主使水道而進既登舟遂以重
幕幕之舟中之人畧可相視逾教日又重幕圍之使登岸疑步
纔十許里至館中供帳頗異于常主使勞慰燕飲累日忽且舁
饋贖之物并報函復圍而遣至水濱登前所幕舟日夕惟聞牽
駕之聲然不知其公沂七八日復至韶而還死于舟中者教人
省躬在治產一子逾月將名之問廳吏蕭德之曰汝育幾子對
曰有男五人省躬小名之曰蕭六省躬為人雖醜疾邪惡然利
于貨賂邑豪龍氏誘殺彬衡歸明人戶迨百口取其貨并婦女
事露後主遣尚書郎張佖就按之私使詢于省躬驗其謬實寵
竊知之饋白金迨千省躬受而偽喏之乃報佖曰彼殺之矣故
時不多其為人入中朝位不顯達者良此之由也故參政彭年
乃其子蕭六馬彭年大中祥符初與內翰晁公今相王君四人
同知貢舉省榜將出入奏試卷天下舉人壅衢而覩其出省諸

公皆慘頰其容獨彭年揚鞭肆目有驕矜賈術之色榜出其甥不在選中遂怒入其第會彭年未來于几上得黃勅乃題其背云彭年頭腦大東烘眼似朱紗鬢似蓬紕繆幸叨三字內荒唐仍預四人中放他權勢欺明主落却親情賣至公千百孤寒齊洒淚斯言無路達堯聰彭年見怒不獲已遂抱勅入奏真宗見而不悅因釋其罪彭年好勢附寵常與丁相樹黨不顧已因人釋褐復更科場體式妄立法制考覆程試結怨士人後雖教月而卒時人謂之手而非鼻鬲之器也

周彬世為廬陵禾川人自少不治產業伏膺儒學刻苦修進俾晝作夜其婦嘗讓之曰汝徒自如是卒有益乎汝家兄弟皆無力稼穡盈已囊箱豐益汝之不調而無思悔畢向何如答曰鄉

嘗與吾市油教斤是亦力穡營已而已但歲晚必得力及聞先主鎮金陵囊文而往未幾會禪代歸姓制度草創無取士之科將有事于圓丘募四方英秀各為祝史之文彬之所著特加選用遂署諸衛巡官嗣主與太弟景達貽書交辟置之門下錫賚頗厚得遷省拜以所賜繒帛金幣陳列于庭謂婦曰吾昔與鄉同營已者今日一成矣比諸伯叔何果為勝耶尚能讓于吾乎妻答曰斯男子之事非婦人女子所能知時邑人有侮慢之色彬數歎曰昔魯人俚孔子謂之東家丘者果然入金陵待選授大理司考滿以母憂歸葬謁本郡令直造其廳署令詰之曰公雖朝省直察其如桑梓之禮何彬怒因自誓曰吾不歸令于茲有如白日及復建康教月如前官歸寧平邑令慚謝而去鄉里

相慶榮其晝錦然為政廉平恩仇不錄將解邑中耆艾緇黃輦
數百人詣郡上疏舉留遂連任七考有相訟者以理和解之而
無適莫既復選嗣主錫以銀章茜綬以本官居賊持法平直不
阿權勢朝廷憚之累遷尚書郎出授武昌節度掌書記守江夏
令未幾而卒

孫魴世南昌人家貧好學嘗會唐末喪亂都官郎鄭谷亦避亂
歸宜春魴往師之頗為誘掖後有能詩名嘗與沈彬及桑門齊
已虛中之徒為倡和儔侶屬吳王行密據有江南淮遂歸射策
授 郡從事與沈彬常遊于李建勳為詩社彬為人口辯能較
評人言句時魴有夜坐句美于時輩建勳因試之先匿魴齋中
候彬至乃問魴之為詩何如彬答曰人言魴非有國風雅頌之

躰實得田舍翁火爐頭之作何足稱哉魴聞之怒突然而出乃
讓彬曰公何誹謗之甚而比田舍翁言無乃太過乎彬答曰子
夜坐句云劃多灰漸冷坐久席成痕此非田舍翁爐上作而何
闔坐大咲彬善能近取譬也及題金山寺云萬古波心寺金山
名日新天多剝得月地少不生塵過櫓妨僧夢驚濤濺佛身誰
言張處士題後更無人有集僅百篇皆此類先主受禪累遷正
郎而卒

鄧洵美世為湖柳郡人少有敏才工詩長于賦頌天祐中與連
人孟賓于並為廉使李侍郎所薦入洛陽與故李司昉同年擢
進士第以天下喪亂諸道割據遂還鄉里為潭州節度使馬氏
所辟署職郡縣常快快不愜心僅十年間昉奉使湖南求訪洵

美既見惟情好洽不替曩昔且惜其才富位卑滯于侯國昉既行因請齋至京師馬氏餞之為鵠而卒洵美晚娶無子有三女貧瘁流落風塵澧陵人盧氏聞洵美名怜而搆之歸以其女妻于儒家先是太常丞陳度有薛孤延闕雷賦頗為時彥所推尚而洵美集中亦有此作而復語句皆同而首末少異未知誰氏之述也

李家明世為廬州西昌人嗣主時為樂部頭有學解滑稽善諷諫為時所推從嗣主游後苑登于臺觀盛望鍾山兩曰其勢即至矣家明對曰雨雖來必不敢入城嗣主恠而問之家明日懼陛下重稅嗣主曰不因鄉言朕不知之遂令權務降半而征之及見牛晚臥樹陰嗣主曰牛且熟矣家明曰臣不調敢上絕句

曰曾遭甯戚鞭敲角又被田單火燎身閑背斜腸嚼枯草近來問喘更無人時左右宰臣皆慚免冠謝罪宋齊丘只產一子輒死齊丘哭之慟逾月自親王宰察勉之不止家明謂王曰已能止之矣大王當復厚賜王許諾家明遂作大紙鳶上書云欲興唐祚革強吳盡是先生設計謨一箇孩兒拚不得讓皇百口合何如乘風放之度至齊丘第遂絕其縷令墜齊丘見之慚感而止家明遂大獲緡帛後嗣主于苑中命元察臨池而釣諸臣皆屢引其鱗惟嗣主無所獲家明見其猶豫乃曰臣昧死敢上芻蕘曰玉甃金鈎興正濃碧池春暖水悠溶凡鱗不敢吞香餌知道君王合釣龍嗣主因善喜燕極歡而罷及嗣主加王弟景達等官恩澤未及臣下因賜享醯家明乃入末作第二翁婦而出

列坐令其新婦每進一飲一食皆輒拜獻而禮頗繁劇翁婦怒而責之曰新婦自家官自家何用煩拜耶嗣主聞之曰孤為一方之主而恩覃于外孤之過矣家明之過亦宜乎因厚賜之而加百官焉先是建州王延政與閩州兄延義有隙遂各稱帝嗣主遣將平之俘延政及百官入建康尋封王遂命王公宰寮之屬燕其第時遣家明率樂部往延政齎于賄賂家明怒其寡而譏之曰賤工無伎大王優賜不敢奉命然告大王乞取一物延政曰吾家所有惟汝之命大家明曰大王平天冠今且無用家明敢請之延政默然慚愧而罷自是怏怏發疾而卒時家明母死欲歸塋會嗣主聽政之暇坐于便殿秉筆于琬琰上閑書草字家明因詐曰臣每竊學人署字與之不疑嗣主曰卿能學孤為乎家明曰臣雖愚魯願效神蹤嗣主乃于麻紙上大押字命試學焉家明得之乃于草字上書云宣州于上供庫錢支二百千付家明安厝母親嗣主見之大笑因而賜焉從嗣主幸南都時既劃江舟楫多從南岸至趙屯因輒樂停觴北望皖公山謂家明曰好青峭教峰不知何名耶家明應聲對曰龍舟輕颺錦帆風正值宸游遠空回首皖公山色翠影斜不到壽杯中嗣主因慚俛首而過及後嗣主位家明老而無寵焉

江南野史卷第八

江夢孫

陳陶

史虛白

孟賓于

孟實

江為

江夢孫字修 九江湓城人祖彌不任以儒道自高夢孫少傳
先業頗蘊藝學旁貫諸經籍茂聲譽遠近崇仰諸生弟子不遠
數郡而至者百人春誦夏弦以時講習鼓篋函丈庠序常盈先
主輔政欲廣賢良之術聞其德業遂以幣帛聘之數四不得已
乃起既至為芸閣郎甚被親禮委之薦進時為得人迨數年忽
自陳曰僕少長白屋頗知民間利病宰邑之政可以存革深革
弊願效一縣庶竭愚鄙先主不許曰令長之職徒勞之任與臺
閣之資清要不同夢孫曰苟獲所請無憚勤匱先主見其懇迫
求之不已遂授近畿天長令既至縣吏告不寢大廳妖恠所憑

前政居之不久而死請止便室以避其凶夢孫不從謂曰苟如是我自當之既夜半果有鬼魅呼喚而至掀投床几復扣門戶召云令主夢孫臥聞答之以諾乃整朝服秉執出戶奠爨奠爵而祝曰不知何人輒敢召令吾為民長必有正廳以衙群吏汝或為神必當受民祭祀合聰明正直與百姓為福仍乃非理與王者之宰爭居其地驚撓正人况吾以忠事主以信示人所為不二寧畏于汝汝若不悛其過乃更為厲則日月星辰昭晰于天吾當具奏請行誅戮雖汝後悔不亦晚乎由是間然至今乃絕于是召鄉里高年存問疾苦蠲其非征任其便利有害于政者必表罷之見官槽有馬因問之左右曰昔部民競之窮按道理各有所據前政未能區別遂繫于官且二年矣夢孫曰今固

亦爾吾聞管仲之馬識道王忱之馬知其故第遂命二馬主于郊外放而視之任其所如其馬久縻棧阜偶解羈束遂奔數十里果入一主之家其訟遂息先主聞之彌加敦獎未幾稱疾而罷先主曰夢孫果賤宰字之卑不能久居乃命代還有老幼遮道泣留迨十數里至都一息辭歸鄉里先主固留不止既還家門生弟子復至乃率身耕稼躬事繼母旦則冠帶入門溫清親饋飲饌退更常服力操耒耨耘暮而歸易衣侍饌畢然後就庠序集門生弟子說釋經義如故時有生徒請之曰吾聞詩者經聖人所刪致遠而泥然其間何謂兄弟闔于墻如是則聖人使人闔于內而後禦止于外邪夢孫徐而答曰大哉子之問乎此疑為閭字似非為闔當時竹簡訛缺傳之者誤亦猶春秋書閭

月之義者也又拱而立曰夢孫昧學不敢輕議其旨諸生宜自取其長焉其為人敦讓謙下有如是者時號為縉紳先生一門中敦睦如一子孫學業各授一經孝禮兼持江左稱之為最卒時八十有五葬之日自遠方至者幾千人而服纓經徒跣者百許嗣主聞之美其才茂德逸故贈國子司業優賜葬物其後門人弟子仕顯達者太平初夢孫解職而歸有群盜謂有貲鏹遂掠其家夢孫聞其至巾帶迎候使烹犬承為設飲食于盆盎中疑懼其鳩不食乃對之先飲七甌及嚼教鬱然後與之食畢遂罄室所有寒燠衣襦襪袍器皿之類盡置之既行見一舁尚蓋在夢孫曰彼若遺此乃為不具之器遂遣與之群盜皆驚歎曰吾輩小人實輕瀆君子是夜還置其所掠之物于門外而去夢

孫啓戶見之一無所失焉

陳洵者世為嶺表劍浦人幼業儒素長好游學善解天文頗長于雅頌自負台鉉之器不為干託既至南昌謀往建康聞宋齊丘秉政凡所進擢才彥名非顯達自計與齊丘鑿柄終不克納必為所屈乃翻然築室居西山以吟咏自資會齊丘出鎮南昌因有浦安之覬乃自詠曰中原莫道無麟鳳自是皇網結網踈陶少與水曹任畹相善又寓之詩云好向明時薦遺逸莫教千古釣吊靈均嗣主知而未及辟之會琴字且見陶乃嘆曰國家其幾亡乎遂失淮甸嗣主南幸以莫苟逸迨至落星諸將欲往問然陶所^居不與俗接惟嗜鮓一鳴或至千巒遂使衣商賈之服賚鮓往既至陶即時出乃問官家龍舟將抵何處對曰已達

落星矣因問陶曰星可避耶答曰落星不還何俟嗣主躁撓不
俟返命已至南都既數日結旦殿庭忽見殘獐一脚視之乃獸
食之餘詢宿衛莫知攸底遂往詢之陶曰昨暮乃狼星所直故
耳嗣主嘆曰真鴻儒矣將召見會嗣主殂後主即位知其運祚
衰替遂絕縉紳之望以修養燒煉還丹為事有詩云乾坤見了
文章懶龍虎成來印綬踈又云磻溪老叟無人用閑列查黎教
六韜又曰近來世上無徐庶誰向桑麻識臥龍陶所道西山先
產藥物僅教十種開寶中常見一叟角髮被褐與一煉師昇藥
入城鬻之獲貲則市鮓就爐二人對飲且啗傍若無人既醉且
舞而歌曰籃米禾塵事紛紛事更多爭如賣藥沽酒飲歸去深
崖拍手歌時人見其縱逸姿貌非常每飲酒食鮓疑為陶之夫

婦焉竟不知所終或云得仙矣

史虛白者山東人世習儒學長而富文與昌黎韓熙載友善唐
晉之間中原多事遂相與渡淮會先主輔政偕詣建章聞宋齊
丘總相府事虛白乃放言謂人曰彼可代而相矣齊丘聞而俚
之然欲窮其伎乃命寮屬宴之以倡樂賦之以牋翰使木奴索
諷弄多方搜之虛白談咲獻酬已貽他和口手應接曾未暫滯
衆不能屈乃延語政治多引湯武伊呂之說齊丘之志乃霸術
以虛白為迂畧機務乃引見先主說之曰今君據有江淮摘煮
山海人庶豐阜京洛之地君家先業今且亂離人思舊德君苟
復之易若屈指先主雖喜其說然以初基方輯睦隣境未暇他
顧與韓熙載並署州郡從事聊以羈縻俟更大用而虛白意頗

不平耻其初言失因褒博衣帶縱橫南游至廬山與佛老之徒
耽玩泉石以詩酒自誤不干世務久之嗣主即位韓熙載薦之
詔至金陵命登便殿燕飲與之計事虛白曰臣草野之人漁釣
而已邦國大計不敢預知因醉溺于階側嗣主曰真處士也遂
賜田五百石還迨十年嗣主幸南昌既至星子渚復使召至問
曰處士隱居必有所得乎對曰近得漁父一聯乃命誦之虛白
曰風雨揭却屋全家醉不知嗣主聞之為之變色賜粟帛遣還
未幾而卒有二子次舉進士長早喪孫温咸平中擢進士第
孟賓于湖湘連上人少修儒學早失其父事母以孝聞長好篇
詠有能詩名天祐末工部侍郎李若虛廉察于湘沅賓于以詩
教百篇自命為金鰲集獻之大為稱譽因採擇集中有可取者

十教聯記之于書使賓于馳詣洛陽獻諸朝廷皆為教之其譽
藹然至明年春與故李司昉同年擢進士第尋屬喪亂遂歸寧
親教歲天策府馬氏辟為零陵從事及江南攻下湖湘賓于隨
馬氏歸明嗣主授以豐城簿尋遷淦陽令因贖貨以贓罪當死
會昉遷翰林學士聞其縲紲以詩寄賓于云幼携書劍別湘潭
金榜標名第十三昔日星辰喧落下近年詩駕滿江南長為邑
吏情終屈縱處曹郎志未甘莫學馮唐便休去明君晚事未為
慚後主見詩貸之復其官未幾求致隱于玉笥山自號群玉峰
叟與道家流游處迨期年後主以承部員外郎起之金陵陷賓
于遂歸老連上時吉守秘閣郎馬致恭送以詩其斷章云今日
還家莫惆悵不同初上渡頭船既而未幾卒八十餘矣賓于嗜

賂出寧縣邑未嘗一處無賊汙徒有詩名人不多之^與初賓于入
江南生子名曰崑唐少亦能詩就廬山國學遂得瀑布詩云練
色有窮處寒聲無盡時隣房儒生亦得此聯遂交誦其句助教
不能理因送江州各以全篇意勢定之而崑唐勝大為時賢所
仰遂廢秘書省正字吉州民據崑大化遷大理丞因失降袁州
司遂致仕

孟貫世居嶺表為建陽人少好學出游廬山與江泊大諫揚徽
之同學友善故徽之詩集中多與貫為者顯德中周世宗征淮
南幸廣陵貫潛渡江以所業詩一集駕前獻之世宗覽其卷首
貽棲隱洞譚先生詩書至不伐有巢樹多移無主花宣貫曰朕
以元戎問罪伐叛吊民非懼強凌弱何有巢無主之有然獻朕

則可如他人鄉應不免矣遂釋褐授官後不知其所終焉

江為者宋世淹之後先祖仕于建陽因家焉世習儒素少游廬
山白鹿洞師事處士陳貺酷于詩句二十餘年有風雅清麗之
態時已誦之時金陵初擬唐風塲屋懸進士科以羅英造為遂
入求應然獨能篇什辭賦策論一辭不措屢為有司黜為因快
快不能自己乃還鄉里與同黨數十家連結欲叛入錢塘會其
同謀上告郡縣按捕得其逆狀盡誅之將死猶能吟詩以貽行
刃者初嗣主南幸洛星渚遂游白鹿國庠見壁上題一聯云吟
登蕭寺旃壇閣醉倚王家玳瑁筵乃謂左右曰吟此詩者大是
貴族矣于是集時輩慕重因茲傲縱謂可俯拾青紫矣

江南野史卷第八

江南野史卷第九

汪台符

胡元龜

張翊

劉洞

林彝

汪台符者歙郡人少好學博貫經籍善為文章不逐浮末有王
佐擁霸之才見唐末天下苦于兵戰遂居鄉里執耒力于田穡
先主輔政移鎮金陵遂詣上書陳民間利害之說有九患書上
為宋齊丘所沮每論議私 詆訾台符謂雖有其言必無其行
先主猶預未之果信齊丘始字超回台符貽書訐之司聞足下
齊先聖以立名超亞聖而稱字齊丘慚而改為子嵩後使人誘
與飲酒夜縛其口沉石城下先主聞而吁嘆久之頗憾焉洎昇
元年中更定民田諸賦物產高下各為三等私額民獲均輸令
為定制及使民余請益罷其科徵別借薄征商旅貨鬻則收不

則聽往舟無力勝郡縣奚胥降而有限致民康教十年小康者皆出自台符之言焉

胡元龜世為廬陵人居水新少有俊才常候本邑宰見其風貌瓌傑而禮趨生猶欲窮其藝學因新畫屏為戲珠龍乃曰請子詠之元龜執簡造次而成因諷宰受貽云翻身騰白浪探爪攫明珠宰盡為設飲饌盡惟而罷後有人為宰發之宰怒使人追捕欲害之元龜亡入金陵會吏曹徐郎以賓館之未幾郎為子娶親迎之夕畢命寮族設牋管徐有同舍郎在坐問曰今夕詩相為誰答曰有螺江湖造士馬郎大哈以題試之元龜毫裂牋不刻而成郎覽之領而已元龜以細紋詩嘲之郎辭以賦題又連飛教章譏切皆以迴文躰郎一辭不措偽醉而去由是眾慕

之徐薦于宋齊丘遂謝策入官授文房院副使迨教年歸寧省天威都虞侯張巒征桂林班師與元龜有故訪其第親拜其母留教日宴飲而去入授撫州臨川令頗著政績時齊王景達出鎮而元龜朔望起居頗有慢色又嘗凌辱王府公僕嗣主知之將代之有訟其婦者元龜目之乃曲道兩離之自娶而與去訟主詣金陵發之按窮其事免官徙廣陵教年會赦求叙理不報遂著叛主怨詞三十首皆傳俗口國家聞而鳩之死年方強仕矣

張翊其先京兆人世綿官緒唐末授任番寓屬劉隱將據交廣棄官北還至潭衡間馬氏已有潭澧挈家亡入江南至廬陵未川見廬陵沃壤乃貸囊探以易產政而居焉及翊兄弟長力先

業能屬文入廣陵先主輔政以射策中第授武騎尉先主移鎮金陵隨渡江見知宋齊丘署府中從事嗣主代立例受慶恩求以寧親授處州觀察判官西昌令假道還里人榮之在任著政績然性偏躁恃才靡寬怒好狎侮同寮凌暴左右被鵠而卒昔徃禾山有大舜二妃廟邑中紫陽觀新興佛閣碑誌皆翊所撰其文宛麗今猶存焉弟惟柳幼以通誦二經中童子迨成人授蘄州黃梅尉周世宗下淮南起為武昌崇陽簿復入選授廬陵令既代未行而金陵陷疾而卒

劉洞世居建陽少游學入廬山師事陳貺學詩精究其術貺卒而洞猶居二十年長五言詩後主立以詩百餘篇因左右獻之後主素聞其名喜而覽之其首篇乃石城懷古詩云石城古岸

頭一望思悠悠幾許六朝事不禁江水流後主掩卷為之改容遂不復讀其餘者洞羈旅二年俟召對不報遂南還廬陵與同門夏竇松相善為倡和儔侶然洞之詩格清而意古語新而理粹嘗自謂得聞仙之遺態但恨不與同時言詩也或曰先生道既如是仍為善于竇松乎答曰吾為泊汨揚波而已為處州節度使陳德誠知重乃金陵將危洞乃為七言詩大榜路傍云千里長江皆渡馬十年養士得何人又云翻憶潘鄉章奏內陰陽日暮好沾巾蓋潘佑表云國家陰陽如日將暮也開寶中卒于吉陽山其遺集行于世

林仁肇世為建陽人仕郡為裨將兄仁翰為福州王延義內兒謂之南廊承旨先福州連重遇殺延義立朱文進為主以拒建

州王延政時仁翰殺重與文進以城降仁肇少勇毅膂力絕人與陳鉄齊名身長六尺餘姿貌壯偉在建州立戰功陷崑金陵嗣主見而竒之署為將周師攻淮甸仁肇出援壽春與劉仁贍相應攻城大寨斬俘甚衆及還濠州水刪柵累有戰功授淮南營屯應授使周師于陽且浮橋而渡仁肇帥勇敢之士載芻藁乘風潛至將燒絕橋道為返風所拒火不及發合戰退惟仁肇乘單騎而殿周駙馬都尉張永德猿臂善射發無不中人皆神之自岸見而射之其去親乃喝曰這漢中口矣仁肇格去永德曰不知何良將也未易可圖及割地以前官鎮潤州頗有功能善撫養士卒復鎮武昌迨周世宗朝李重進據揚州不順太祖征平之既而淮南無屯戍諸郡所守不過千人仁肇密說後主

曰今宋朝前年征蜀今取交廣還徃數千里師必罷弊請假以兵數萬北渡直抵壽春分據正陽因其思舊之民屢年之粟取復淮甸勢如轉丸縱彼求救亦一二矣臣當據淮對壘而禦之復請臣起兵之日聞于北朝臣言據兵竊亂苟事成功濟國家受利不利則請族臣家以明陛下之二後主懼其無功徒勞社稷乃不從開寶中以仁肇為南都留守南昌戶太祖欲平江南患仁肇勇畧私于仁肇左右竊取其存神俟江南朝貢至以示其使曰汝以斯圖何如對曰此似神本國林仁肇因曰仁肇且將至矣又使微指其空館曰斯仁肇之第也後主聞之不知其權遽使鴆殺之不二年王師渡江仁肇少有風疾其氣息頗穢時謂之睇掩不正及遇鴆而家人疑其不穢尋病而卒

江南野史卷第九

江南野史卷第十

盧絳

朱令贇

申屠令堅

劉茂忠

盧絳字晉卿世為南昌人其父唐末仕南平王鍾傳署館驛巡官有子七人絳乃其仲也少好學無不研精頗通大義不能治產業每縱俠與博徒游初西京作坊副使尹承諤少于後主世獻利便歸吉州興運迴務以資國用路過南昌絳能書計辟為本務吏教年暇則從屠豕角抵葷飲食無何貧困乃欺官緝罪當棄市承諤且發絳懼易儒服逃于塗陽土豪陳氏家尋會赦獲免旦夕與陳氏諸子乃雜錄六韜之屬陳知其識度狀貌非儒家流乃謂絳曰吾竊知子頗有謀畧今國家方急賢豪非子窮委之時也遂厚貲賫而遣之絳不獲已而行至豐城為曩昔

交游無賴輩相率飲博數日之間裹囊皆罄遂無聊入南昌兄
及母弟皆嗤鄙不錄遂

國學與諸葛濤蒯鼈等

善不聽讀惟以屠沽販

諸生中有篋笥稍豐而吝者

則強取之弱者侮之及山下尋

有畜于賓道者乃陰持雜物

誣之俾出緡帛洞中流輩號為三害及朱弼新除國子助教欲

疏理其罪絳遂入金陵既至

塊然旅邸素無知舊裂裳既

置遂薄游京口往來壁洞寒雪新炭若桂少有膂力乃踊折簷

楠而燒時有守困吏見而壯之延歸既久遭歲飢吏無以給因

俾絳夜躍困簷自氣樓間入竊官粟教十往一夕入見長人先

立困中絳于是奮搏而乘之乃為一柱冷若冰鉄頃之失所據

乃懼而出遂中沾疾逾月既乏資給疲瘵且極忽夢一白衣婦

所部開圍出之既至京口舍舟登岸與之三戰越人三北其圍

遂解乃以為潤州節度使守太師自絳出建康水陸之攻愈急

後主教詔遣還為左右所沮未幾宣州叛乃授絳節度使討之

遂平其城金陵陷諸城皆下惟絳等不順謀割據嶺表使建州

刺史陳德誠等往諭之過歙州龔慎儀閉門不納絳怒曰慎儀

乃吾故人何故見拒使馬雄攻之城陷慎儀朝服而出為雄所

殺既而絳弟奔太宗詔旨委諭罷兵入朝絳遂聚將校議之王

川軍之徒皆厲聲拒命不從絳欲殺弟而行弟乃私謂之曰兄

今不順詔命乃獨善一身其如老母一族三百口何絳猶據會

先鋒曹翰使賫鐵券至絳乃與馬雄張三十四等殺人脫身夜

亡餘衆亦潰曹翰使衛送京師既見上問絳曰卿何不早歸朝

廷勞朕詔命對曰臣受李昱厚祿只知事李昱未知事陛下上曰李昱已臣妾于朕卿于草野何俟臣聞李昱歸命未受玉爵故臣未歸上聞其言頗忠赤宥之授冀州團練使既教日入援

命曹翰亦入馬雄方俟恩于外時龔填儀猶

等以手版擊之遂闌入殿門穎稱臣

殺上怒方

詰絳等曹翰先鋒破宣歙二郡

賂之因入奏曰盧

絳乃一姦賊陛下存之為

矣况冀州乃邊境之郡

而使有重權不可上命皆斬

呼曰陛下以鐵券詔臣怒之

以死今以微罪一旦見殺千古之下且彰陛下之無信上曰朕為龔慎儀殺賊而已何負于卿既出乃呼延贊嘗視行事將至梁門絳遂顧見擁一婦人白衣者來宛同昔日夢中因嗟曰玉

人頗有姿容告之曰子之疾當食蔗即愈既詰朝見鬻者絳揣囊乏一鎗唯有唐韻一冊遂指易之其人曰吾輩乃

將此安用哀君欲之志切遂貽教挺絳喜而食之至旦

疾損資用窮躓常默默不自持迨教夕又夢前白衣婦人謂絳

曰妾乃玉真也太尉富貴時至可詣都城妾有一詩一緡以助

行旅十年之後于孟家陂上必當奉見歌其詞曰清風良月夜

深時箕帚盧郎恨尚遲他日孟家陂上約再來相見是佳期言

訖而去絳驚覺因思其語呼予為太尉乃惘然又不測孟家陂

之說展轉臥傍果獲其緡由是自負襟懷豁然入金陵畫策詣

後主上疏陳京口至壁澗數要衝之地宜立柵屯戍廣設備禦

利害數十事絳素有口辯敏捷教日未報復為書詣光政殿陳

喬見之與語教遂大喜竒之因表署為本院承旨使篤百卒任
所陳利便經營制置頗見幹績尋就轉松江諸屯兵馬監押兼
巡檢

卒少年便于舟楫押習水道者得馬雄王
等數十人立為俾裨校俾篤卒伍號令日

鼓使前知却示以旌旗指揮行列部分次序進

運如飛時有一艘應命稍稽遂斬其長復試之可使蹈浪累
于海門渡獲越人船舫百餘艘益教萬石獻之後主賞其功遂
封爵柱國及王師渡江尅池州急召還授凌波軍都虞侯城外
沿江都部署王師屢攻秦淮口水柵絳率舟師援之前後與都
統軍皇甫繼勳與鄭彥華等忌絳功名出已右訖後主遣之出
援丹陽絳因率大部舟百艘為八字列陣而行曹彬等識絳

真矣何至于此乎贊問其故絳乃白其夢將斬之絳曰萬乘帝
王斬一偽署節度使可無禡種乎贊使馳奏上遂賜之絳復問
孟家波持刃者曰斯場是矣因教指迨今十年嘆曰昔日之夢
今果驗矣死復何恨玉真姓耿氏其夫死與婦之子通常枉法
與絳同場斬馬絳孫器有文學今登進士第矣

朱令贊不知其先何許人乃大將朱業之從子少隨業征討初
署為小校拳捷善射河日軍中號為朱深眼後以軍功累為神
會軍都虞侯開寶中林仁肇鎮南昌教年卒遂以令贊領其郡
王師征金陵令贊于潯陽湖口縛大筏萬里載糧軍器凡數十
萬戰艘上具爐炭將斷采石磯浮梁以援金陵既成或說之亦
乘盛夏江流泛溢時便風其勢迅急可以成之令贊不從至冬

遂帥水陸救萬進行教日至虎蹲州與王師遇令贊不曉兵機
將戰獨稱乘大航高教十重危簷與親信千人上建大將旗幟
指麾而進王師見之聚舟併兵攻之令贊勢蹙遂使火油礮以
禦之屬北風勢緊迴焰迸星倏忽自焚煙焰不絕獨其子脫身
奔南昌為節度使令贊力窮投火而死柴再

自是

建寧失援而陷矣初軍至石牌營子所

濠又不見

掌外人望其氣如虹上亘于

祥之兆也

因殺教十人不教日遂敗

申屠令堅山東人自少無賴好博膂力絕人

盜犯法

州郡繫械入京師將至遂賂守吏曰吾今見

則為一律卒

君等皆吾州鄉之人吾與別可飲教甌以為求訣時守者皆醉

因夜亡歸會賊帥咸師朗等掠淮北衆至千餘人令堅因往與

官軍轉戰殺傷頗衆群賊勇之後帥師朗出援壽春與林仁肇

應援劉仁贍同破城南大寨及復濠州大柵時勇冠軍中左右

奮擊前無勁敵因是錄功授神衛軍都虞侯後主立益見親任

常居侍從開寶五年除吉州刺史委以邊務既至緝理軍事完

治城池鎮遏邊鄙頗有節制及建康陷後主委諭至命以順命

令堅私約袁州刺史劉茂忠及殺監軍侍其楨割劇不降未發

而卒令堅未死二年間夜不安寢日或暝與人鬪戰往往踴而

叫呼所畜歌妓十教人常分為二至昏而代自夕迨旦令聲樂

歌舞宴飲以

獲假寐而已及死之夕若中風狂于室內

如與人

而紀矣

劉茂忠其先彭城人後世徙居廬

族

寔繁江南自嗣主委政之後法令彌弛預

境兩地之

民互相侵掠不能禁止茂忠自小畧通

不事產業以豪縱

自居亦逐其酋帥日息夕恣驚剽鄉里利其資貨頗為人害為

郡邑所捕屢抵大罪會赦貸死與其徒黨各被繫械于金陵籍

為官卒時上江群盜趙晟蕭榮彭先等數部聚其徒至百教深

潛崑穴出恣暴惡郡邑患之官律不習險阻收捕屢年不獲茂

忠乃上言乞就擒以自贖因許之婦遂入晟為先唱掠分財帛

多推與之及得術士孤虛壬遯星禽占候風角

之書遂伏

而試習之皆驗衆愈信之因孰往還其

吏為內

應一旦掩擊殆盡榮等屢戰平之

時廬陵鷓

鴟洞盜有吳先者乃故縣胥獨

皆莫之信捕之

不獲茂忠遂鞭所親信二人詐得

先果信而勿

疑未逾月斬先首其徒遂潰州里慶之呼

劉小僕射郡

錄功復入金陵後主署吉州在城兵馬都押衙錫賚優厚復遣

還與郡守同修營版築衆迨萬教皆悅從之役未期而就復召

入援袁州萍鄉制置使委以捍湘潭之境既至撫緝士庶明法

令騎步精練若指諸掌王師初圍金陵茂忠撫巡界上因興兵

縱獵無何逐獸出界而潭人知茂忠怒乘勢掠至澧陵而還時

潭衛巡檢祖使洎其副梁謀欲謀執仇議取冬至日茂忠必醮

會乃帥步騎及率白面潭民迨數千而至緣邊營柵皆道望接

烽煙驟起報騎亦至茂忠乃會群吏議衆恟恟不能謀唯茂忠

顏色自若。命酒既數行，報騎又至。衆請行，茂忠笑謂之曰：「今日將肝如出師，則主將不利，遂使間道往，設伏兵焚絕橋渡。然躬擐甲胄，帶鞬伏鏑，亭午而行十許里，與潭師遇，遂合戰。迨晡，勝負之勢未決。茂忠乃舍騎自步，奔鏑親入，少却。因乘勝急擊，衆大奔潰。退遇伏兵，橋道既絕，赴水溺死者幾盡。茂忠先購軍中獲酋長者，生致之時，祖獲逸，有持梁而至者。茂忠令釋縛，以軍禮相見，然後館之。如賓及生，得潭人乃指梁曰：「此國家小嘍囉也。」迨旬餘，使轉賣于金陵，至南昌為群節所害。後主君茂忠功績，遷袁州刺史。其餘軍佐寮屬進賊有差，尋以建康不守，後主為虜。時吉州刺史申屠令堅結之以抗不順，屬令堅死而事寢，因釋甲並命焚之。冀期更甚，袁人賴焉。行舟次淮汴，修

州刺史詣主口岸者，朱供奉見乃擲刺。

亡國之俘仍刺史為令具榜帖乃

署復

叱之令闕衣執杖庭叅既至京師

江南仍掠

朕邊邑而殘賊士卒茂忠對曰

唯忠勇是奮

雖陛下親征臣亦當殞身不顧十

慤待之頗厚乃

授登州刺史之任既至未幾會前主歲

供奉抵罪貶為郡

將公見其來亦不之憾令就職日兩衛俾立墀下供奉逾月慚

死在郡廉幹頗有政理迨太宗嗣位狂賭博有露左遷分司西

京未幾會赦復資任闕昔茂忠微時常所持鏑將有闔戰必宿

而鳴即至殺戮乃與潭師戰親操奮擊前無堅敵左右中者皆

洞腦脇迨百餘輩因敗其膊時遇陰霾即加痛楚至是疾作臂

不舉病數日卒追贈某官茂忠本名徹後武以犯漢武諱為改
焉在江南日雖軍武繁劇處置無滯然延接下士不憚儒術皆
揖讓周昝詢訪時務無不盡禮門館常盈或時飲醪武僚相伴
刺袁日郡君生一女處金陵城陷為兵人所掠在師茂忠使女
僕入諸營部托鬻衣而竊求之遂表聞取還既至皆喜因暑夕
與庭下月坐茂忠方據搆忽見一人自外躍劍刺之茂忠以搆
自捍連舉數四而搆迨絕刃不能中會左右執之送軍巡司按
訊斬之乃昔掠丘女兵也初潭師興其間有貪佞好勇者皆先
授祖梁署以萍鄉令簿之秩乃敗溺不還至今孤幼猶哭且怨
茂忠焉

江南野史卷第十

